

UPUTA O LIJEKU

IRUZID 10
10mg+12,5 mg
tableta
lizinopril, hidrohlorotiazid

Prije upotrebe lijeka pažljivo pročitajte ovu uputu.

Uputu nemojte baciti. Kasnije ćete je možda trebati ponovo pročitati.

Ako trebate dodatne informacije, zatražite ih od svog ljekara ili farmaceuta.

Ljekar je propisao ovaj lijek samo za Vas. Nemojte ga davati nikom drugom jer bi mu mogao naškoditi, čak i ako ima simptome jednake Vašima.

Ako primijetite bilo koju nuspojavu, potrebno je obavijestiti Vašeg ljekara ili farmaceuta. To uključuje i svaku moguću nuspojavu koja nije navedena u ovoj uputi. Pogledajte dio 4.

U ovoj uputi možete pročitati sljedeće:

1. Što je IRUZID 10 i za što se koristi
2. Prije nego počnete uzimati IRUZID 10
3. Kako uzimati IRUZID 10
4. Moguće nuspojave
5. Kako čuvati IRUZID 10
6. Dodatne informacije

1. ŠTA JE IRUZID 10 I ZA ŠTA SE KORISTI

IRUZID 10 tablete primjenjuju se u liječenju povišenog krvnog pritiska (hipertenzija). IRUZID 10 je kombinacija dviju aktivnih supstanci, lizinopрила i hidrohlorotiazida.

- Lizinopril pripada skupini lijekova koji se nazivaju ACE-inhibitori i djeluje tako što širi krvne žile.
- Hidrohlorotiazid pripada skupini lijekova koji se nazivaju diuretici (tablete za mokrenje). Ovaj lijek pomaže tijelu da se oslobodi viška vode i soli kao što je natrij u urinu.

Ovi lijekovi djeluju zajedno kako bi snizili krvni pritisak.

2. PRIJE NEGO POČNETE UZIMATI IRUZID 10

Nemojte uzimati IRUZID 10:

- ako ste alergični na lizinopril, hidroklorotiazid ili neki drugi sastojak ovog lijeka (naveden u dijelu 6.)
- ako ste alergični na druge ACE-inhibitore ili lijekove iz skupine sulfonamida. Pitajte liječnika ukoliko niste sigurni da li se ovo odnosi na Vas.
- ako ste prije imali svrbež, koprivnjaču, nagli pad krvnog pritiska, iznenadno oticanje ruku, nogu, zglobova, lica, usana, jezika ili grla, osobito tokom ranijeg liječenja s drugim lijekovima koji pripadaju skupini ACE-inhibitora pri čemu je moguće i da ste otežano gutali ili disali.
- ako ste uzimali ili trenutno uzimate sakubitril/valsartan, koji se koristi za liječenje jedne vrste dugoročnog (kroničnog) zatajivanja srca u odraslih, jer je u tom slučaju povećan rizik od angioedema (naglo oticanje potkožnog tkiva na području kao što je vrat).
- ako imate dijagnozu nasljednog angioedema (stanje kod kojeg ste skloni oticanju kako je gore opisano). Pitajte liječnika ako niste sigurni da se to odnosi na Vas.
- ako imate ozbiljnih problema s bubrezima
- ako ste prestali mokriti
- ako imate ozbiljnih problema s jetrom
- ako ste trudni više od 3 mjeseca (također je bolje izbjegavati ovaj lijek i tokom rane trudnoće) (vidjeti dio Trudnoća i dojenje)
- ako imate šećernu bolest ili oštećenu funkciju bubrega i liječite se lijekom za snižavanje krvnog pritiska koji sadrži aliskiren
- ako ste u prošlosti imali probleme s disanjem ili plućima (uključujući upalu ili tekućinu u plućima) nakon unosa hidroklorotiazida. Ako osjetite bilo kakav težak nedostatak zraka ili otežano disanje nakon uzimanja lijeka IRUZID, odmah potražite ljekarsku pomoć.

Nemojte uzimati IRUZID 10 ako se bilo šta od prethodno navedenoga odnosi na Vas. Ako niste sigurni obratite se svom ljekaru ili farmaceutu.

Upozorenja i mjere opreza

Posavjetujte se sa svojim ljekarom ili farmaceutom prije nego počnete uzimati IRUZID 10 ako:

- ako ste imali rak kože ili ako Vam se pojavi neočekivana lezija (promjena) na koži tokom liječenja. Liječenje hidroklorotiazidom, naročito dugotrajna primjena uz visoke doze, može povećati rizik od nekih vrsta raka kože ili usana (nemelanomski rak kože). Zaštitite svoju kožu od izlaganja suncu i UV zrakama za vrijeme uzimanja lijeka IRUZID.
- imate suženje (stenozu) aorte (aorta je najveća krvna žila koja izlazi iz srca) , srčanih zalistaka (mitralni zalisci) ili bubrežnih arterija
- imate zadebljanje srčanog mišića (hipertrofičku kardiomiopatiju)
- imate bolest krvnih žila (kolagena bolest krvnih žila)
- imate niski krvni pritisak (koji se može očitovati kao omaglica i ošamućenost, posebice pri ustajanju)
- imate bolest bubrega, odnosno idete na dijalizu ili imate presađen bubrež
- imate bolest jetre
- imate šećernu bolest
- uzimate bilo koji od lijekova navedenih u nastavku, koji se koriste za liječenje visokog krvnog pritiska: blokator angiotenzin II receptora (ARB) (nazivaju se i sartanima - primjerice valsartan, telmisartan, irbesartan), osobito ako imate bubrežne tegobe povezane sa šećernom bolešću, aliskiren.
- Ljekar Vam može provjeravati bubrežnu funkciju, krvni pritisak i količinu elektrolita (npr. kalija) u krvi u redovnim intervalima. Vidjeti također informacije u dijelu Nemojte uzimati IRUZID.
- ste nedavno imali proljev ili obilno povraćanje
- ste na dijeti sa smanjenim unosom soli
- imate povišenu razinu holesterola te idete na tzv. LDL aferezu
- imate sistemski eritemski lupus
- ste crne rase jer IRUZID 10 u Vas može biti manje djelotvoran. Također, može se očekivati češća pojava teške alergijske reakcije (tzv. angioedem), čiji simptomi su oticanje ruku, nogu, zglobova, lica, usana, jezika ili grla
- uzimate bilo koji od sljedećih lijekova, povećava se rizik od razvoja angioedema (brzo oticanje potkožnog tkiva u području poput grla):
- lijekovi koji pripadaju skupini mTOR inhibitora (koriste se kako bi se izbjeglo odbacivanje presađenih organa i za liječenje raka (npr. temsirolimus, everolimus, sirolimus)
- - racekadotril (koristi se za liječenje proljeva)
- - vildagliptin (koristi se za liječenje šećerne bolesti)

Znakovi angioedema uključuju oticanje lica, usana, jezika i/ili grla s poteškoćama u gutanju ili disanju.

- ako primijetite slabljenje vida ili osjetite bol u očima. To mogu biti simptomi nakupljanja tekućine u sloju oka u kojem su smještene krvne žile (efuzija žilnice) ili povećanja pritiska u oku, a mogu nastupiti u roku od nekoliko sati do sedmicu dana nakon uzimanja ovog lijeka. Ako se ne liječi, može dovesti do trajnog oštećenja vida. Ako ste ranije imali alergiju na penicilin ili sulfonamide, možete biti izloženi većem riziku od razvoja ove bolesti.

Morate reći svom ljekaru ako mislite da ste trudni ili ako planirate trudnoću. Ne preporučuje se primjena IRUZID 10 tableta u ranoj trudnoći. Ako ste trudni duže od 3 mjeseca, ne smijete uzimati IRUZID 10 (vidi poglavlje *Trudnoća i dojenje*), jer može izazvati ozbiljna oštećenja ploda.

Ako se nešto od gore navedenog odnosi na Vas ili, pak, niste sigurni, javite se svom ljekaru ili farmaceutu.

Liječenje alergija na ubode insekata

Obavijestite svog ljekara ukoliko idete ili namjeravate ići na tzv. postupak desenzibilizacije zbog alergije, npr. na ubode insekata.

Terapija IRUZID 10 tabletama za vrijeme takvih postupaka može izazvati ozbiljne alergijske reakcije.

Operativni zahvati

Obavijestite svog ljekara ukoliko idete stomatologu ili na neki operativni zahvat (uključujući i operacije u usnoj šupljini) da uzimate IRUZID 10 jer može doći do pada krvnog pritiska ako Vam bude primijenjena lokalna ili opća anestezija.

b

Uzimanje drugih lijekova s IRUZID 10 tabletama

Vrlo je važno da obavijestite svog ljekara o svim lijekovima koje uzimate ili ste nedavno uzimali, uključujući i one koje ste nabavili bez ljekarskog recepta (uključujući i biljne lijekove i dijetetske pripravke). Naime, neki lijekovi mogu djelovati na učinkovitost drugih lijekova, ako se uzimaju istovremeno.

Ljekar će Vam možda morati promijeniti dozu i/ili poduzeti druge mjere opreza.

Obavijestite svog ljekara ili farmaceuta ako uzimate neke od sljedećih lijekova:

- druge lijekove za snižavanje krvnog pritiska (antihipertenzivi)
- neki blokator angiotenzin II receptora (ARB) ili aliskiren (Pogledajte također informacije pod naslovima „Nemojte uzimati IRUZID 10“ i „Upozorenja i mjere opreza“)
- lijekovi povezani s niskim udjelom kalija u krvi (hipokalemija), kao što su drugi diuretici ("tablete za mokrenje", uključujući one koji štede kalij), laksativi, kortikosteroidi (npr. prednizon), ACTH (hormon), amfotericin (antifungalni lijek) i derivati salicilatne kiseline
- nesteroidne protuupalne lijekove (NSAID) poput aspirina, ibuprofena, indometacina, koji se koriste za liječenje artritisa ili bolova u mišićima
- za liječenje depresije (uključujući tricikličke i tetracikličke antidepresive)
- za psihičke bolesti (uključujući litij)
- aspirin (acetilsalicilatna kiselina) u dozi većoj od 3 g na dan
- nadomjeske kalija (uključujući nadomjeske soli), diuretike koji štede kalij i druge lijekove koji mogu povećati količinu kalija u krvi (npr. trimetoprim i kotrimoksazol za bakterijske infekcije; ciklosporin, imunosupresijski lijek koji se koristi za sprječavanje odbacivanja presađenih organa; i heparin, koji se koristi za razrjeđivanje krvi radi sprječavanja nastanka krvnih ugrušaka)
- soli kalcija ili dodaci vitaminu D
- lijekovi za šećernu bolest (inzulin ili oralni antidiijabetici poput sulfonilureje). Tokom uzimanja tiazidnih diuretika možda će trebati promijeniti dozu antidiijabetičkog lijeka.
- liječenje astme
- alopurinol (lijek za liječenje gihta)
- lijekove za liječenje začepljenosti nosa ili sinusa ili ostale lijekove protiv simptoma prehlade (uključujući i one koji se mogu kupiti bez recepta)
- lijekove koji suprimiraju Vaš imunološki sustav (imunosupresivi npr. ciklosporin)
- liječenje poremećaja srčanog ritma (npr. prokainamid)
- za liječenje srčanih bolesti (npr. digoksin) ili druge lijekove za liječenje poremećaja srčanog ritma
- lijekove koji sadrže zlato, uključujući natrijev aurotiomalat koji se primjenjuje u obliku injekcije a koristi se za liječenje reumatoidnog artritisa
- injekcije amfotericina B (lijek za liječenje gljivičnih infekcija)
- karbenoksolon (lijek za liječenje čireva ili upale u jednjaku ili u i oko usta)
- kortikosteroide (lijekovi koji utječu na upalni odgovor organizma)
- kortikotropin (hormon)
- liječenje zatvora (stimulirajući laksativi)
- kolestiramin i kolestipol (lijekovi za sniženje kolesterola u krvi, sprječavanje proljeva ili ublažavanje svrbeža)
- opuštanje mišića (npr. tubokurarin)
- trimetoprim (antibiotik)
- sotalol (beta- blokator)
- lovastatin (lijek za snižavanje holesterola)
- dekstran sulfat (koristi se u liječenju koje se zove LDL afereza, za sniženje holesterola u krvi)
- liječenje zloćudnih bolesti (npr. ciklofosamid, metotreksat, everolimus) i lijekove koji se najčešće primjenjuju kako bi se izbjeglo odbacivanje presađenih organa, npr. bubrega i jetre (temsirolimus, sirolimus, everolimus). Pogledajte dio 2 „Upozorenja i mjere opreza“.
- racekadotril, koji se koristi za liječenje proljeva. Pogledajte dio 2 „Upozorenja i mjere opreza“.

- vildagliptin, koji se koristi za liječenje šećerne bolesti. Pogledajte dio 2 „Upozorenja i mjere opreza“.
- tkivni aktivator plazminogena (TPA) koji se koristi za otapanje krvnih ugrušaka koji su nastali u krvnim žilama
- ostale lijekove koji mogu izazvati poremećaj rada srca poznat kao *torsades de pointes*.

Istodobno liječenje tkivnim aktivatorima plazminogena (lijekovi koji se koriste za otapanje ugrušaka) mogu povećati rizik od lokaliziranog oticanja lica, usta ili drugih dijelova tijela. Alkohol, barbiturati ili anestetici mogu povećati učinak snižavanja krvnog pritiska. Kada ustanete možete osjetiti vrtoglavicu.

Trudnoća i dojenje

Ako ste trudni ili dojite, mislite da biste mogli biti trudni ili planirate imati dijete, obratite se svom liječniku ili ljekarniku za savjet prije nego uzmete ovaj lijek.

Trudnoća

Obavijestite ljekara ako mislite da ste trudni ili uskoro namjeravate zatrudnjeti. Ljekar će preporučiti prestanak primjene IRUZID 10 tableta prije nego zatrudnite ili odmah nakon potvrde trudnoće te Vam savjetovati da umjesto IRUZID 10 tableta uzimate drugi lijek.

Ne preporučuje se primjena IRUZID 10 tableta u ranoj trudnoći.

Ako ste trudni duže od 3 mjeseca, ne smijete uzimati IRUZID 10 jer njegova primjena nakon trećeg mjeseca trudnoće može izazvati teško oštećenje djeteta.

Dojenje

Obavijestite ljekara ako dojite ili planirate dojit. Ne preporučuje se primjena IRUZID 10 tableta u dojilja. Ako odlučite dojit (osobito ako se radi o novorođenčetu ili nedonoščetu), ljekar može izabrati drugu terapiju.

Upravljanje vozilima i mašinama

Ovaj lijek može ponekad uzrokovati omaglicu i umor što može utjecati na sposobnost upravljanja vozilima i mašinama, posebno na početku liječenja, tokom prilagodbe doze ili pri istodobnoj primjeni s alkoholom. U slučaju reakcije na lijek, nemojte voziti niti koristiti alate ili mašine. Zato se prije navedenih aktivnosti preporučuje da utvrdite kako reagirate na uzimanje ovog lijeka.

3. KAKO UZIMATI IRUZID 10

Važno je da uzimate lijek onako kako Vam je odredio Vaš ljekar. Ako niste sigurni kako trebate uzimati ovaj lijek, zatražite savjet svog ljekara ili farmaceuta.

Kada započnete terapiju IRUZID 10 tabletama ljekar Vam može uraditi krvne pretrage, te na osnovu njih prilagoditi dozu lijeka, kako biste uzimali odgovarajuću količinu lijeka.

Uzimanje prve doze

Budite osobito oprezni kada prvi puta primjenjujete IRUZID 10 tablete ili nakon povećanja doze IRUZID 10 tableta. Pri uzimanju prve doze može doći do jačeg pada krvnog pritiska nego kasnije tokom dugotrajne primjene. To se može očitovati kao vrtoglavica i ošamućenost, a ti se simptomi mogu smanjiti ako legnete. Ukoliko Vas to zabrinjava, obratite se za savjet ljekaru.

Doziranje kod odraslih

Uobičajena doza je jedna tableta jedanput na dan. Ljekar će Vam propisati odgovarajuću jačinu lijeka. Ljekar Vam može povećati dozu na dvije tablete, primijenjene jedanput na dan.

Primjena u djece

IRUZID 10 nije namijenjen za primjenu u djece.

Način primjene

Progutajte tabletu s dovoljnom količinom vode. Potrudite se da uzmete tabletu svaki dan u isto vrijeme. Nije važno uzimate li ovaj lijek prije ili poslije jela.

Nastavite uzimati ovaj lijek onoliko dugo koliko vam je liječnik rekao. Radi se o dugotrajnom liječenju i važno je uzeti ovaj lijek svaki dan.

Ako uzmete više IRUZID 10 tableta nego što ste trebali

Ako uzmete više IRUZID 10 tableta nego što ste trebali, odmah se obratite svom ljekaru ili u najbližu zdravstvenu ustanovu. Sa sobom ponesite tablete ili ovo uputstvo kako bi zdravstveno osoblje znalo koji ste lijek uzeli.

Ako ste zaboravili uzeti IRUZID

Ako ste zaboravili uzeti IRUZID 10, propuštenu dozu lijeka uzmite što prije. Međutim, ako je uskoro vrijeme za sljedeću dozu, tada preskočite propuštenu dozu lijeka. Nemojte istovremeno uzeti dvije doze lijeka kako biste nadoknadili dozu koju ste zaboravili uzeti.

Prestanak primjene IRUZID 10 tableta

Nemojte prestati uzimati IRUZID 10 unatoč tome što se dobro osjećate, sve dok Vam to ljekar ne kaže.

U slučaju bilo kakvih nejasnoća ili pitanja u vezi s primjenom IRUZID 10 tableta, obratite se svom ljekaru ili farmaceutu.

4. MOGUĆE NUSPOJAVE

Kao i svi drugi lijekovi IRUZID 10 može izazvati nuspojave, iako se ne moraju javiti kod svakoga.

IRUZID 10 sadrži dva lijeka, lizinopril i hidrohlorotiazid. Dole navedene nuspojave zabilježene su tokom primjene oba lijeka, stoga se mogu javiti i pri primjeni IRUZID 10 tableta.

Ljekar Vam s vremena na vrijeme može uraditi krvne pretrage, kako bi provjerio da li IRUZID 10 ima utjecaj na Vašu krv.

Moguće nuspojave pri primjeni lizinoprila

Teške alergijske reakcije (rijetko, mogu se javiti u manje od 1 na 1000 osoba).

Ako imate tešku alergijsku reakciju, **prestanite uzimati IRUZID i odmah se javite liječniku** u bilo kojem od sljedećih slučajeva:

- ako Vam nateknu lice, usne, jezik i/ili grlo, zbog čega disanje ili gutanje može biti otežano
- ako Vam jako ili iznenada nateknu ruke, stopala ili gležnjevi
- otežano disanje
- jak svrbež kože (s uzdignutim kvržicama).

Ozbiljni problemi s jetrom (vrlo rijetko, mogu se javiti u manje od 1 na 10 000 osoba)

Znakovi mogu uključivati:

- žutilo kože ili očiju, tamno obojena mokraća ili gubitak apetita.

Ako Vam se ovo dogodi, **odmah posjetite svog liječnika.**

Ostale moguće nuspojave

Često (mogu se javiti u manje od 1 na 10 osoba):

- glavobolja
- omaglica ili ošamućenost, osobito pri naglom ustajanju
- nesvjestica
- proljev
- povraćanje
- kašalj
- bubrežne tegobe (s odstupanjima u rezultatima krvnih pretraga).

Manje često (mogu se javiti u manje od 1 na 100 osoba):

- promjene raspoloženja
- osjećaj štipkanja poput 'bockanja i trnaca'
- vrtoglavica

- promjena osjeta okusa
- pospanost
- poteškoće sa spavanjem
- moždani ili srčani udar
- neuobičajeno lupanje srca
- curenje iz nosa
- mučnina
- bolovi u trbuhu i poremećaj probave
- promjene u krvnim pretragama koje služe za provjeru funkcije jetre
- osip
- svrbež
- problemi s erekcijom (impotencija)
- opća slabost
- umor
- povišene vrijednosti nekih supstanci u krvi (urea, kreatinin, kalij).

Rijetko (mogu se javiti u manje od 1 na 1000 osoba):

- promjene nekih stanica ili drugih dijelova Vaše krvi; znakovi mogu obuhvaćati osjećaj umora i bljedoću kože
- zbunjenost
- promjena osjeta mirisa
- suha usta
- koprivnjača (urtikarija) sa tamno crvenim, čvorastim izbočenjima koja svrbe
- gubitak kose
- psorijaza (problem s kožom)infekcija krvi
- zatajenje bubrega
- povećanje dojki u muškaraca
- Sindrom nepravilnog lučenja antidiuretskog hormona (SIADH)
- snižene vrijednosti natrija u krvi što može uzrokovati slabost, umor, glavobolju, mučninu, povraćanje i grčeve.

Vrlo rijetko (mogu se javiti u manje od 1 na 10 000 osoba):

- poremećaj koštane srži ili smanjenje broja krvnih stanica i krvnih pločica, što može uzrokovati umor, infekciju (koja može biti teška), vrućicu, osjećaj zaduhe ili pojavu masnica ili krvarenja
- povećanje limfnih čvorova
- pojačan imuni odgovor organizma (autoimune bolesti)
- pad razine šećera u krvi (hipoglikemija) uz moguću pojavu osjećaja gladi ili slabosti, znojenja i ubrzanog rada srca
- iznenadno hripanje u prsima ili kratak dah (bronhospazam)
- upala pluća (uz osjećaj nedostatka zraka)
- upala sinusa (bol i osjećaj pritiska u području obraza ili očiju)
- eozinofilna upala pluća Znakovi bolesti uključuju kombinaciju upale sinusa, stanje poput gripe, osjećaj sve većeg nedostatka zraka, boli u području želuca ili crijeva, kožni osip te osjećaj trnaca i iglica ili obamrlosti u nogama ili rukama.
- upala gušterače, koja je praćena umjerenom do jakim boli u trbuhu
- oticanje stijenke crijeva, praćene naglom boli u želucu, proljevom ili povraćanjem
- znojenje
- teške promjene kože ili osip, uključujući crvenilo, pojavu mjehura i ljuštenje kože, što se može razviti naglo i može zahvatiti usnu i nosnu šupljinu
- smanjeno mokrenje ili potpuni prestanak mokrenja
- akutni respiratorni distress (znakovi uključuju težak nedostatak zraka, vrućicu, slabost i smetenost).

Nepoznato (učestalost se ne može procijeniti iz dostupnih podataka)

- ozbiljna alergijska reakcija
- vidjeti, osjetiti ili čuti stvari koje ne postoje (halucinacije)
- crvenilo kože praćeno osjećajem vrućine
- depresija.

Moguće nuspojave pri primjeni hidrohlorotiazida (nepoznata učestalost)

- rak kože i usana (nemelanomski rak kože)
- upala žlijezde slinovnice
- smanjenje broja krvnih stanica i krvnih pločica, što može uzrokovati umor, infekciju (koja može biti teška), vrućicu, osjećaj zaduhe ili bržu pojavu masnica ili krvarenja
- gubitak apetita
- povišenje razine šećera u krvi
- pojava šećera u urinu
- povišena razina urične kiseline u krvi
- promjene razine nekih supstanci u krvi (npr. natrij i kalij) uz pojavu mišićne slabosti, žeđi, osjećaja trnaca i iglica, grčevi i mučnina
- povišene ili visoke vrijednosti masti u krvi (uključujući kolesterol)
- osjećaj nemira
- depresija
- poteškoće spavanja
- osjećaj trnaca i iglica
- ošamućenost
- kratkotrajno zamagljen vid ili poremećaj vida kada stvari izgledaju žuto
- oštar bol u predjelu očiju sa crvenilom i iznenadnim zamagljenjem vida. Ako osjetite iznenada simptome bolnih i crvenih očiju, odmah se obratite ljekaru, možda će biti neophodno uvođenje terapije kako bi se spriječio trajni gubitak vida
- oslabljen vid ili bol u očima zbog visokog pritiska (mogući znakovi nakupljanja tekućine u sloju oka u kojem su smještene krvne žile (efuzija žilnice) ili akutnog glaukoma zatvorenog kuta)
- vrtoglavica
- nesvjestica (posebno pri ustajanju)
- oštećenje krvnih žila s pojavom crvenih ili ljubičastih mrlja po koži
- poteškoće s disanjem. Može se javiti osjećaj nedostatka zraka zbog upale pluća ili prisutnosti tekućine u njima.
- iritacija želuca
- proljev
- zatvor stolice
- upala gušterače s pojavom umjerene do jake boli u trbuhu
- žuta boja kože ili bjeloočnica (žutica)
- kožni problemi uključujući osip uzrokovan osjetljivošću na sunčevo svjetlo, težak oblik osipa s naglim nastankom, uz pojavu mjehura ili ljuštenja kože te pojavom mjehura u ustima, pogoršanje postojećih reakcija sličnih eritemskom lupusu ili pojava neobičnih kožnih reakcija
- alergijske reakcije
- mišićni grčevi i slabost mišića
- poremećaj bubrega, koji može biti ozbiljan (vidljivo iz krvnih pretraga)
- vrućica
- slabost (gubitak snage)

Ako primijetite da je nuspojava postala ozbiljna ili uočite nuspojavu koja nije navedena u uputstvu, obavijestite o tome svog ljekara ili farmaceuta.

Prijavljivanje sumnje na neželjena dejstva lijeka

Ako primijetite bilo koju nuspojavu, potrebno je obavijestiti ljekara ili farmaceuta.

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. KAKO ČUVATI IRUZID 10

Lijek treba čuvati izvan dohvata i pogleda djece!

Lijek treba čuvati pri temperaturi do 25°C u originalnom pakovanju.

Rok valjanosti:

Tri (3) godine od datuma proizvodnje navedenog na pakovanju!

Lijek se ne smije primijeniti nakon isteka roka valjanosti navedenog na pakovanju!

Lijekovi se ne smiju odlagati putem kućnih otpadnih voda ili kućnog otpada. Pitajte farmaceuta kako odlagati lijekove koje više ne trebate. Takvim ponašanjem čuvamo naš okoliš.

6. DODATNE INFORMACIJE

Šta sadrži IRUZID 10 tableta

Aktivne supstance su: lizinopril i hidrohlorotiazid

Iruzid 10: 10+12,5 mg tableta: jedna tableta sadržava 10 mg lizinopрила u obliku lizinopril dihidrata i 12,5 mg hidrohlorotiazida.

Pomoćne supstance:

Iruzid 10: 10+12,5 mg tableta: manitol (E421); kalcijev hidrogenfosfat dihidrat; kukuruzni škrob; škrob, prethodno geliran; magnezijev stearat; boja indigo carmine (E132).

Kako IRUZID 10 tableta izgleda i sadržaj pakovanja

Iruzid 10, 10+12,5 mg tablete: plave, bikonveksne i heksagonalne tablete.

Iruzid 10, 10+12,5 mg tablete: 30 (1x30) tableta u PVDC/PVC/Al blisteru, u kutiji.

Režim izdavanja lijeka:

Lijek se izdaje uz ljekarski recept.

Proizvođač:

FARMAVITA d.o.o. SARAJEVO
Igmanska 5a, 71320 Vogošća
Bosna i Hercegovina

Proizvođač gotovog lijeka:

FARMAVITA d.o.o. SARAJEVO
Igmanska 5a, 71320 Vogošća, Bosna i Hercegovina

Nosilac dozvole za stavljanje lijeka u promet

Farmavita d.o.o. Sarajevo
Igmanska 5a, 71320 Vogošća, Bosna i Hercegovina

Broj i datum rješenja o dozvoli za stavljanje lijeka u promet:

IRUZID 10: 04-07.3-2-8180/23 od 16.07.2024.godine

Datum revizije teksta uputstva

16.07.2024.godine